

საქართველოს ცენტრალური საარჩევნო კომისია



ელექტრონული ტენდერი პლანშეტური კომპიუტერების
სახელმწიფო შესყიდვის მიზნით

სატენდერო დოკუმენტაცია

ქ. თბილისი, 2012 წ.

სარჩევი

1. ტექნიკური დოკუმენტაცია
2. დამატებითი ინფორმაცია
3. სახელმწიფო შესყიდვების შესახებ ხელშეკრულების პროექტი
4. რეკვიზიტები - დანართი #1
5. ფასების ცხრილი - დანართი #2
6. საბანკო გარანტიის ფორმა - დანართი #3

1. ტექნიკური დოკუმენტაცია

1.1 საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1.1 იურიდიული პირისათვის:

ა) ცნობა უფლებამოსილი ორგანოდან, რომ არ მიმდინარეობს იურიდიული პირის გადახდისუნარიანობის საქმის წარმოება.

ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.

1.1.2 ფიზიკური პირისათვის:

ა) ცნობა უფლებამოსილი ორგანოდან, რომ არ მიმდინარეობს ფიზიკური პირის გადახდისუნარიანობის საქმის წარმოება.

1.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს "გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის" მე-2 მუხლის პირველი პუნქტის "ლ" ქვეპუნქტით გათვალისწინებული ეტაპის დაწყების შემდეგ;

1.3. ამ პუნქტის 1.1.1 და 1.1.2 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები დედნის სახით წარმოდგენილი უნდა იქნეს შემსყიდველ ორგანიზაციაში მოთხოვნიდან არაუმეტეს 5 (ხუთი) სამუშაო დღეში.

1.4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს ამ პრეტენდენტის დისკვალიფიკაციას.

1.5. შესყიდვის ობიექტის ტექნიკური დავალება:

1.5.1 პლანშეტური კომპიუტერები - 1200 ცალი

პრეტენდენტის მიერ შემოთავაზებულ უნდა იყოს არა ნაკლებ ქვემოთ მოცემული მახასიათებლების მქონე პლანშეტური კომპიუტერი.

რიგითი ნომერი	საქონლის დასახელება	ტექნიკური მახასიათებლები	
1	პლანშეტური კომპიუტერი	კომუნიკაციები	WiFi 802.11 b/g/n, Bluetooth 2.1+EDR, USB 2.0, OTG, Cisco VPN Support
		სენსორები	აქსელერაციის სენსორი, განათებულობის სენსორი GPS
		აკუმულატორი	4000 mAh ან მეტი; 3.7V ან მეტი
		ეკრანი	ტიპი LCD; დიაგონალი 7" 16:9, გარჩევადობა 800*480 ან მეტი; სენსორული ეკრანის ტიპი: ტეკადობითი
		პროცესორი	არქიტექტურა: A10 ARM Cortex - A8 1.5 GHZ ან უკეთესი, ბირთვების რაოდენობა 1 (ერთი), კეში 32KB+256KB L2 მინიმუმ
		ოპერატიული მეხსიერება	მოცულობა: 512 მბ ან მეტი; ტიპი DDR3
		ჩაშენებული მეხსიერება	e-MMC Flash 4Gb მინიმუმ
		დამატებითი გარე მეხსიერება	SD Support to 32GB
		ოპერაციული სისტემა	Android 3.0, flash 11, ქართული უნიკოდი შრიფტის მხარდაჭერით
		აქსესუარი	ჩანთა, თავსებადი უსაფრთხოების სამაგრი

1.5.2 მოწოდებულ საქონელზე უნდა ვრცელდებოდეს საგარანტიო ვადა არა ნაკლებ 1 წლის ვადით.

1.5.3 საგარანტიო პერიოდის განმავლობაში გამოვლენილი წუნდების აღმოფხვრა უნდა მოხდეს ტენდერში გამარჯვებული კომპანიის კვალიფიციური სპეციალისტების მეშვეობით.

1.6 ანგარიშსწორების პირობები:

1.6.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის ადგილზე მიწოდებასთან დაკავშირებული ყველა გადასახადის ჩათვლით.

1.6.2 ანგარიშსწორება განხორციელდება უნაღდო ანგარიშსწორებით ლარში

1.6.3 პრეტენდენტის მოთხოვნის შემთხვევაში შესაძლებელია ანგარიშსწორება წინასწარ, სახელშეკრულებო ღირებულების არაუმეტეს 80% - ის ოდენობით, შესაბამისი საბანკო/სადაზღვევო გარანტიის წარმოდგენის შემთხვევაში.

1.6.4 ხელშეკრულების ღირებულების დარჩენილი 20%-ის გადახდა მოხდება საქონლის მიღების შემდგომ, მიღება-ჩაბარების აქტისა და შესაბამისი დოკუმენტაციის გაფორმებიდან 15 დღის განმავლობაში.

1.7. მიწოდების პირობები და ვადები

1.7.1. საქონლის მიწოდება უნდა განხორციელდეს ხელშეკრულების გაფორმებიდან 60 დღის ვადაში

1.7.2 საქონლის მიწოდების ადგილია: ქ. თბილისი, დ. აღმაშენებლის ხეივანი მე-13 კმ

1.8. ხელშეკრულების უზრუნველყოფის საბანკო გარანტია

1.8.1 ტენდერში გამოიყენება ხელშეკრულების უზრუნველყოფის საბანკო გარანტია, ხელშეკრულების ღირებულების 3%-ის ოდენობით, რომელიც წარმოდგენილი უნდა იყოს დანართი #3-ის მიხედვით.

1.8.2 ხელშეკრულების უზრუნველყოფის საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას.

1.9. პრეტენდენტმა სისტემაში უნდა ატვირთოს შემდეგი ინფორმაცია:

1.9.1. პრეტენდენტის შესაბამისად უფლებამოსილი პირის მიერ ხელმოწერილი და ბეჭედ დასმული ინფორმაცია რეკვიზიტების და სატენდერო წინადადების ფასის შესახებ (დანართი #1)

1.9.2 ფასების ცხრილი, შემოთავაზებული საქონლის ტექნიკური და ხარისხობრივი მონაცემების სრული აღწერილობით 1.5.1 ქვეპუნქტის მოთხოვნათა გათვალისწინებითა და საგარანტიო ვადის მითითებით. (დანართი #2)

1.10. დამატებითი მოთხოვნები

1.10.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპოდენცია და დოკუმენტაცია წარმოდგენილ უნდა იქნას ქართულ ენაზე.

1.10.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

1.10.3 სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯის გათვალისწინებით.

1.10.4 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2. დამატებითი ინფორმაცია

2.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში: ქ. თბილისი, დ. აღმაშენებლის ხეივანი მე-13 კმ. საკონტაქტო პირი: ბ. ზეგიაშვილი 2510051 (144)
ელ. ფოსტა: bbegiashvili@cec.gov.ge

3. ხელშეკრულების პროექტი

ქ. თბილისი

2012 წელი

საქართველოს კანონის „სახელმწიფო შესყიდვების შესახებ“ საქართველოს ცენტრალური საარჩევნო კომისიის მიერ, სახელმწიფო ბიუჯეტიდან გამოყოფილი დაფინანსების ფარგლებში

ერთის მხრივ საქართველოს ცენტრალური საარჩევნო კომისია წარმოდგენილი თავმჯდომარის ზურაბ ხარატიშვილის სახით შემდგომში ”შემსყიდველი” და მეორეს მხრივ-----
”მიმწოდებელი” -----სატენდერო წინადადების საფუძველზე, ელექტრონული ტენდერის (#SPA-----) ჩატარების შედეგად ურთიერთშეთანხმების საფუძველზე დებენ ამ ხელშეკრულებას შემდეგზე

1. ხელშეკრულების საგანი

1.1 წინამდებარე ხელშეკრულების საფუძველზე მიმწოდებელი უზრუნველყოფს 1200 ცალი პლანშეტური კომპიუტერის მიწოდებას შემდგომში „საქონელი“, ხოლო შემსყიდველი კისრულობს ვალდებულებას მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით.

2. საქონლის ღირებულება

2.1. მთლიანი სახელშეკრულებო თანხა დღგ-ს გათვალისწინებით შეადგენს ----- ლარს.

3. საქონლის მიღება-ჩაბარება

3.1. საქონელი ან მისი ნაწილი ჩაითვლება მიღებულად მიღება-ჩაბარების აქტის გაფორმების შემდეგ.

3.2. საქონლის მიღება-ჩაბარება დასტურდება მხარეთა წარმომადგენლების მიერ სათანადო აქტით.

3.3. მიღება-ჩაბარების აქტის საფუძველზე შემსყიდველი ახდენს ანგარიშსწორებას მიმწოდებლისგან მიღებულ საქონლისთვის.

4. მომსახურების მიწოდების ვადები და ადგილი

4.1 შესყიდვის ობიექტის მიწოდება ხორციელდება ხელშეკრულების გაფორმებიდან 60 (სამოცი) დღის ვადაში.

4.2. საქონლის მიწოდების ადგილი: დ. აღმაშენებლის ხეივანი მე-13 კმ

5. გარანტია

5.1 მიმწოდებელი იძლევა გარანტიას, რომ მიწოდებული საქონელი იქნება ხარისხიანი და შეესაბამება შემსყიდველი მოთხოვნებს.

6. ანგარიშსწორება

6.1. ანგარიშსწორება განხორციელდება მიღებული საქონლის მიხედვით მიღება-ჩაბარების აქტის და შესაბამისი საგადასახადო ანგარიშფაქტურის ან/და სასაქონლო ზედნადების წარდგენიდან 15 დღის განმავლობაში

6.2. ანგარიშსწორება განხორციელდება უნაღდო ანგარიშსწორების ფორმით.

6.3. ანგარიშსწორება მიმწოდებელთან განხორციელდება ლარებში.

6.4 ანგარიშსწორება შესაძლებელია განხორციელდეს წინასწარ

7. ხელშეკრულებაში ცვლილებების შეტანა

7.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

7.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

7.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8. უფლებების გადაცემა

8.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით არსებული თავისი ვალდებულებები.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. მხარეთა პასუხისმგებლობა

10.1 ხელშეკრულების მონაწილე მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად

შესრულების შედეგად მიყენებული ზარალი, მოქმედი კანონმდებლობით განსაზღვრული წესით.

10.2 შემსყიდველი კისრულობს ვალდებულებას გადაუხადოს მიმწოდებელს პირგასამტეხლოს სახით ანგარიშსწორების ვადების დარღვევისათვის გადასახდელი თანხის 0.1 პროცენტი ყოველი ვადაგადაცილებული დღისთვის.

10.3. მიმწოდებელი კისრულობს ვალდებულებას გადაუხადოს შემსყიდველს პირგასამტეხლოს სახით 4.1 პუნქტით გათვალისწინებული მიწოდების ვადების დარღვევისთვის საქონლის ღირებულების 0.1 პროცენტი ყოველი ვადაგადაცილებული დღისთვის.

11. ხელშეკრულების შეწყვეტა მისი პირობების შეუსრულებლობის გამო

11.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია სრულად მიაწოდოს საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

11.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

12. ხელშეკრულების შესრულების კონტროლი

12.1 შემსყიდველს უფლება აქვს მიმწოდებლის მიერ საქონლის მიწოდებისას, განახორციელოს ტექნიკური კონტროლი. კონტროლს ახორციელებს ინსპექტირების ჯგუფი.

12.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

12.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

13. ფორს-მაჟორი

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული

იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემზარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელისმოწერის დრიდან და მოქმედებს 2012 წლის 31 დეკემბრამდე

ხელშეკრულება შესრულებულია და ხელმოწერილია ორ ეგზემპლარად რომლებიც ინახება ხელშეკრულების მონაწილე მხარეებთან.

მხარეთა იურიდიული მისამართები და საბანკო რეკვიზიტები
შემსყიდველი მიმწოდებელი

დანართი #1

4. რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

სახელმწიფო შესყიდვების ერთიან ელექტრონულ სისტემაში შემოთავაზებულ
სატენდერო წინადადების ფასი

დანართი #2

პრეტენდენტის დასახელება-----

#	საქონლის დასახელება	განზომილები ს ერთეული	რაოდენობა	ერთეულის ფასი დღგ-ს ჩათვლით (ლარში)	საერთო ფასი დღგ-ს ჩათვლით (ლარში)	საგარანტ იო ვადა	მიწოდების ვადები	მიწოდები ს ადგილი
1	პლანშეტური კომპიუტერი	ცალი	1200					

პრეტენდენტის ხელმოწერა და ბეჭედი-----

(საბანკო გარანტია)

ვის: _____
(შემსყიდველის დასახელება)

მხედველობაში ვიღებთ რა, რომ

(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი თავისი
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

(თარიღი)

(მისამართი)